

kens dan syn stam heuet **Houen** op
 des meyes top stont een crans van
 doernen. en die crans scheen van bloe
 de roet **Beneden** andes meyes voet
 stont een naghel starck en groet. waer
 van die mey heft gheleden noet **Twee**
 telgheren tweren an die syden gheley
 det. myt edelen bloede wal ghededet
 daer die bloemen soe voele werē en
 anstonden. dat ick sie niet kan ver
 grunden. meer mochtet my alsoe ge
 lucken. dat ick vanden bloemet
 mochte plucken. soe wolde ick make
 enen crans. en springhen daer mede
 an des meyes dans. soe were ick ewe
 lick toe vreden **Hijr** omē soe wil ick
 op dese tijt dese reden varen late. wāt
 ick en kan leyder der bloemen niet
 gheraken. aldus en wil ick hijr niet
 meer off spreken **nu** laet ons bidn
 den lieuen mey. die alle lyden brect
 ontwee. wāneer wy van hene soele